

OKVIRNI SPORAZUM
LOT 3 - usluge putnog zdravstvenog osiguranja

Zaključen između :

1. **Kantonalna javna ustanova Dom za djecu bez roditeljskog staranja** sa sjedištem u Sarajevu, Bjelave 52, ID broj: 4200556690000, koju zastupa direktorica Belma Ahmagić /u daljem tekstu: **Ugovorni organ** /
- i
2. **Sarajevo osiguranje d.d.** sa sjedištem u Sarajevu, Maršala Tita 29, ID broj: 4200326930001, kojeg zastupa direktor Arif Kulić / u daljem tekstu: **Pružalac usluga** /

I. UVOD

Član 1.

Na osnovu provedenog postupka javne nabavke usluga – putno zdravstveno osiguranja, Ugovorni organ je Odlukom broj: 35-2/19 od 07.01.2019. godine odabrao ponudu Izvršioca broj 01-3826/18 od 24.12.2018. godine kao najbolje ocjenjenu ponudu u skladu sa objavljenim kriterijem za donošenje odluke o odabiru i zahtjevima iz tenderske dokumentacije.

Ovaj Okvirni sporazum ne predstavlja obavezu Naručioca na realizaciju u bilo kojem obimu ili vrijednosti u odnosu na ugovorenu količinu.

II. PREDMET I TRAJANJE OKVIRNOG SPORAZUMA

Član 2.

Predmet ovog Okvirnog sporazuma je regulisanje međusobnih odnosa za nabavku putnog zdravstvenog osiguranja za potrebe radnika i korisnika KJU Dom za djecu bez roditeljskog staranja, prema tenderskoj dokumentaciji i ponudi Izvršilac.

Ovaj Okvirni sporazum važi od **01.02.2019. – 31.12.2019. godine** i predviđa se sa ciljem realizacije usluga tokom perioda ugovorenog ovim Okvirnim sporazumom.

U okviru zaključenog okvirnog sporazuma Ugovorne strane će zaključivati posebne ugovore ili isporuku predmeta nabavke vršiti će po potrebi Naručioca, na osnovu dostavljene narudžbenice u skladu sa uslovima definisanim ovim sporazumom i tenderskom dokumentacijom.

III. CIJENA

Član 3.

- Ukupna vrijednost ovog okvirnog sporazuma (bez PDV-a) iznosi 297,00 KM,
- Popust iznosi: 0 %,
- Ukupna vrijednost ovog okvirnog sporazuma (bez PDV-a) i sa uključenim popustom iznosi: 297,00 KM,
- PDV (17%) iznosi 0,00 KM,
- UKUPNA VRIJEDNOST/CIJENA okvirnog sporazuma (sa PDV-om) iznosi: 297,00 KM,

Cijene su fiksne i ne mogu se mijenjati za vrijeme važenja okvirnog sporazuma.

IV. USLOVI PROVEDBE OKVIRNOG SPORAZUMA

Član 4.

Cijene za svaku nabavku moraju odgovarati cijenama istaknutim u ponudi Izvršioca iz člana 1. stav 1. ovog Okvirnog sporazuma i moraju biti nepromjenjive.

Član 5.

Izvršilac se obavezuje da će početi sa izvršenjem usluge odmah po zaključivanju ovog Okvirnog sporazuma na zahtjev Naručioca.

Usluge će se vršiti sukcesivno prema zahtjevima i potrebama Naručioca u roku datom u ponudi Izvršioca.

Član 6.

Naručilac će vršiti plaćanje na osnovu ispostavljenih faktura Izvršioca.

Naručilac će izvršiti plaćanje fakture iz stava 1. ovog člana u roku datom u ponudi Izvršioca, koji počinje teći danom dostavljanja ispravne fakture.

Izvršilac je saglasan da Naručiocu neće zaračunavati zatezne kamate za zakašnjenje pri plaćanju putem Trezora Kantonalnog ministarstva finansija, ako je Naručilac u ugovorenom roku predao nalog za plaćanje.

Član 7.

Pri sklapanju ugovora o javnoj nabavci ugovorne strane ne smiju mijenjati bitne uslove ovog Okvirnog sporazuma.

V. RASKID OKVIRNOG SPORAZUMA

Član 8.

U slučaju da Izvršilac ne bude ispunjavao ili ukoliko ne bude u mogućnosti ispunjavati preuzete obaveze iz ovog Okvirnog sporazuma i uslova ponude ili učini povredu odredbi ovog Okvirnog sporazuma, Naručilac ima pravo jednostranog raskida ovog Okvirnog sporazuma uz pisano obavještenje.

VI. RJEŠAVANJE SPOROVA

Član 9.

Sporovi koji eventualno nastanu iz ovog Okvirnog sporazuma, rješavat će se u prvom redu međusobnim sporazumom ugovornih strana, a ukoliko se ne mogu riješiti mirnim putem, oštećena strana može ostvariti svoja prava pred nadležnim sudom u Sarajevu.

Za sve odnose i institute koji nisu utvrđeni ovim Ugovorom, a proisteknu iz njegove realizacije primjenjivat će se odgovarajuća odredba Zakona o obligacionim odnosima.

VII. SASTAVNI DIJELOVI OKVIRNOG SPORAZUMA

Član 10.

Sastavni dijelovi Okvirnog sporazuma su :

- Ponuda Izvršioca usluga broj: 01-3826/18 od 24.12.2018. godine.

VIII. STUPANJE NA SNAGU OKVIRNOG SPORAZUMA

Član 11.

Ovaj Okvirni sporazum stupa na snagu danom obostranog potpisivanja.

Član 12.

Okvirni sporazum je sastavljen u 4 (četiri) istovjetna primjerka, od kojih se ugovornim stranama uručuju po 2 (dva) primjerka.

UGOVORNI ORGAN

Kantonalna javna ustanova Dom za
djecu bez roditeljskog staranja


MSc. BA Belma Ahmagić,
direktorica

Broj: 35-4/19

Datum: 25.01.2019. godine



PRUŽALAC USLUGA
Sarajevo osiguranje d.d.


Arif Kulic, direktor

Broj:

01-451/19

Datum:

30.01.2019.

